



Broj: 03/14-16-8-826-15/16
Sarajevo, 15.9.2016.

Na osnovu čl. 69. stav (2) tačka d) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na prijedlog Komisije za nabavke iz Zapisnika o pregledu i ocjeni ponuda, broj: 03/14-16-8-826-14/16, od 7.9.2016. u postupku nabavke usluga obaveznog i kasko osiguranja službenih vozila Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donosi

ODLUKU O PONIŠTENJU POSTUPKA NABAVKE

I.

Prihvata se prijedlog Komisije za nabavke iz Zapisnika o pregledu i ocjeni ponuda broj: 03/14-16-8-826-14/16, od 7.9.2016. i poništava se postupak nabavke usluga obaveznog i kasko osiguranja službenih vozila Parlamentarne skupštine Bosne i Hercegovine provođen putem konkurentskog zahtjeva za dostavu ponuda, Obavještenje o nabavci, broj: 166-7-2-7-3-5/16, od 15.4.2016. i Ispravka Obavještenja o nabavci, broj: 166-7-2-7-8-11/16, od 14.6.2016., iz razloga člana 69. stav (2) tačka d) Zakona o javnim nabavkama, jer nijedna od primljenih ponuda nije prihvatljiva.

II.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno čl. 70. stav (6) i 71. stav (2) Zakona o javnim nabavkama.

III.

Ova Odluka stupa na snagu danom donošenja.

Образложење

Postupak nabavke usluga obaveznog i kasko osiguranja službenih vozila Parlamentarne skupštine BiH pokrenut je Odlukom o pokretanju postupka javne nabavke, broj: 03/14-16-8-826/16, od 16.3.2016. Javna nabavka se provela putem konkurentskog zahtjeva za dostavu ponuda. Procijenjena vrijednost javne nabavke iznosi 21.000,00 KM sa uračunatim PDV-om. Komisija za nabavke imenovana je Odlukom Kolegija Sekretarijata broj: 03/14-16-8-826/16, od 14.3.2016. Obavještenje o nabavci broj: 166-7-2-7-3-5/16 objavljeno je na Portalu javnih nabavki 15.4.2016., a istovremeno je Konkurentski zahtjev za dostavu ponuda, broj: 03/14-16-8-826-3/16, od 15.4.2016. upućen na adrese šest osiguravajućih društava i to: Bobar osiguranje a.d. Bijeljina, Bosna-Sunce osiguranje d.d. Sarajevo, Croatia osiguranje d.d. Ljubuški, Euroherc osiguranje d.d. Sarajevo, Sarajevo osiguranje d.d. Sarajevo i Triglav Osiguranje d.d. Sarajevo. Tendersku dokumentaciju preuzelo je još D.D. za osiguranje "VGT" Visoko. Žalbu na Tendersku dokumentaciju dana 19.4.2016. podnijelo je „Sarajevo osiguranje“ d.d. Sarajevo. Ugovorni organ je zbog neosnovanosti žalbenog navoda, Žalbu zajedno sa svojim Izjašnjenjem, broj: 03/14-16-8-826-3-2/16, od 22.4.2016. proslijedio drugostepenom organu na odlučivanje dana 22.4.2016., dok je o odgađanju nastavka postupka uredno obavijestio sve učesnike u postupku. Ured za razmatranje žalbi je svojim Rješenjem, broj: JN2-01-07-1-220-8/16, od 2.6.2016., zaprimljenim 13.6.2016., Žalbu „Sarajevo osiguranja“ d.d. Sarajevo odbio kao neosnovanu, pa je postupak nabavke nastavljen dana 14.6.2016. Iz razloga nastavka postupka

izvršene su Izmjene Konkurentskog zahtjeva za dostavu ponuda, broj: 03/14-16-8-826-5/16, od 14.6.2016., kao i Ispravka Obavještenja o nabavci, broj: 166-7-2-7-8-11/16, objavljena na Portalu javnih nabavki 14.6.2016.

Do termina zakazanog za predaju ponuda odnosno do 21.6.2016. do 14,00 sati pristigla je jedna ponuda ponuđača „Atos osiguranje“ a.d. Bijeljina, Filijala Sarajevo, ul. Put života 12, Sarajevo. Komisija za nabavke je izvršila javno otvaranje ponuda pri čemu je sastavljen Zapisnik o zaprimanju ponuda, broj: 03/14-16-8-826-7/16, od 21.6.2016 i Zapisnik o otvaranju ponuda od 21.6.2016., koji su uredno dostavljeni jedinom ponuđaču. U fazi evaluacije ponude Ugovorni organ je radi utvrđivanja zadovoljenja kvalifikacionih ulova zatražio dodatna pojašnjenja i provjere. Po završenoj evaluciji, sačinjen je Zapisnik o pregledu i ocjeni ponuda, broj: 03/14-16-8-826-14/16, od 7.9.2016. u kojem je konstatovano da je ponuda ponuđača „ATOS OSIGURANJE“ A.D. Bijeljina, Filijala Sarajevo neprihvatljiva za ugovorni organ, jer ne ispunjava zahtijevane uslove kvalifikacije iz člana 47. stav (1) tačka a) i b) Zakona o javnim nabavkama (Ekonomska i finansijska sposobnost) na način zahtijevan u Konkurentskom zahtjevu za dostavu ponuda- tenderskoj dokumentaciji Ugovornog organa, jer navedeno društvo nema zaključeno reosiguranje za kasko osiguranje vozila u 2016., i nije dokazalo neizrečenost mjera ograničenja raspolaganja na svojoj imovini (detaljnije u tački 16. Zapisnika –analitičkom tabelarnom prikazu). Također nije ispoštovana starost dokumenata kod dokazivanja uslova iz člana 47. stav (1) tačka b) Zakona o javnim nabavkama.

Zbog činjenice da je u postupku ove nabavke ponudu dostavilo samo „Atos osiguranje“ a.d. Bijeljina, Filijala Sarajevo, te da je njegova Ponuda neprihvatljiva za ugovorni organ, Komisija nije provodila fazu vrednovanja i rangiranja prihvatljivih ponuda, pa Kolegiju Sekretarijata Parlamentarne skupštine BiH predložila da se postupak nabavke usluga obaveznog i kasko osiguranja službenih vozila Parlamentarne skupštine BiH okonča donošenjem Odluke o poništenju postupka nabavke iz razloga člana 69. stav (2) tačka d) Zakona o javnim nabavkama, jer nijedna od primljenih ponuda nije prihvatljiva.

Kolegij Sekretarijata Parlamentarne skupštine Bosne i Hercegovine prihvatio je prijedlog Komisije za nabavke o poništenju postupka nabavke, te odlučio kao u dispozitivu odluke.

Pravna pouka:

Protiv ove odluke može se izjaviti žalba Ugovornom organu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u dovoljnom broju primjeraka, koji ne može biti manji od 3 (tri).

Dostavljeno:

- “Atos osiguranje” a.d. Bijeljina, Filijala Sarajevo, ul. Put života 12, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____